



Broj: 01-02-1- 3743 – 2 /26 – Dž.T.
Sarajevo, 29-04-2026

BOSNA I HERCEGOVINA
Federacija Bosne i Hercegovine
Kanton Sarajevo
MINISTARSTVO ZDRAVSTVA
n/r Ministra, Prim. mr sci. dr med. Enis Hasanović
Reisa Džemaludina Čauševića 1
71000 Sarajevo

PREDMET: Odgovor na zastupničko pitanje zastupnice Sebije Izetbegović, dostavlja se

Poštovana,

Postupajući po zahtjevu Ministarstva zdravstva, dostavljenom uz dopis broj 01-04-58637-71/25 od 25.02.2026. godine, a u vezi sa zastupničkim pitanjem zastupnice Sebije Izetbegović, postavljenim na 28. radnoj sjednici Skupštine Kantona Sarajevo, održanoj dana 16. februara 2026. godine, Zavod zdravstvenog osiguranja Kantona Sarajevo dostavlja sljedeći odgovor.

Formalno obrazovanje kandidata koji konkurišu na mjesto Direktora ZZO KS je definisano u posebnim uvjetima koje kandidat mora ispunjavati u skladu sa članom 24. Statuta Zavoda zdravstvenog osiguranja Kantona Sarajevo koji glasi: Za direktora Zavoda može se imenovati lice koje pored opštih uslova utvrđenih zakonom mora imati stečenu diplomu visokog obrazovanja i to najmanje VII stepen stručne spreme visokog obrazovanja (po predbolonjskom obrazovnom sistemu), odnosno visoko obrazovanje prvog (i drugog) ciklusa Bolonjskog sistema studiranja koji se vrednuje sa najmanje 240 ECTS iz oblasti društvene ili medicinske univerzitetske naučne grupacije, kao i tri godine radnog iskustva na poslovima u oblasti zdravstvenog osiguranja i zdravstvene zaštite. Sva lica (uz izuzetak onih sa završenim ekonomskim fakultetom) trebaju imati završenu dodatnu edukaciju iz ekonomskih nauka u trajanju od najmanje jedne godine (ili dva semestra ili 60 ECTS) ili zdravstvenog menadžmenta (nivo SHCE3).

Statut o izmjenama i dopunama Statuta Zavoda zdravstvenog osiguranja Kantona Sarajevo je donesen od strane Upravnog odbora ZZO KS 29.12.2021.godine i Skupštine Kantona Sarajevo zbog obaveze usaglašavanja općih akata sa važećim zakonskim odredbama Zakona o zdravstvenom osiguranju („Službene novine Federacije Bosne i Hercegovine BiH“, broj:30/97,7/02,70/08,48/11 i 36/18), Zakona o internoj reviziji („Službene novine Federacije Bosne i Hercegovine BiH“, broj:49/20), Zakona o visokom obrazovanju („Službene novine Kantona Sarajevo“ broj: 33/2017, 26/2019, 35/2020, 40/2020, 39/2021), Zakona o trezoru Federacije Bosne i Hercegovine („Službene novine Federacije Bosne i Hercegovine BiH“, broj:26/2016,3/2020,60/2023) i Odlukom o metodologiji izrade i donošenja programa rada i izvještaja o radu Vlade KS i kantonalnih organa („Službene novine Kantona Sarajevo“ broj: 23/21), kako slijedi: izvršeno je usklađivanje sa Zakonom o trezoru u pogledu postojanja žiro računa u sjedištu obzirom da je uspostavljen Jedinstveni račun trezora (JRT), izvršeno je prepoznavanje svih organizacionih jedinica koje predhodno nisu bile uključene u Statutarne odredbe a zbog izmjena zakonske regulative koja je stupila na snagu nakon donošenja zadnjih izmjena i dopuna Statuta u 2012.godini, izmjene u dijelu plaćanja refundacija privremene spriječenosti za rad u poslovnicama obzirom na uvođenje JRT-a, izvršeno je usaglašavanje sadržaja godišnjeg izvještaja o radu i finansijskom poslovanju Zavoda sa odredbama važećih akata Kantona Sarajevo, izvršena je izmjena u

Adresa: Ložionička br. 2, 71 000 Sarajevo

ID broj: 4200178560003, PDV broj: 200178560003, Broj upisa u sudski registar: 65-05-0051-12,
Depozitni račun broj: 154-921-2014617245, Glavni transakcijski račun broj: 154-921-20146171-48,


Transakcijski račun broj: 132-020-20293671-18

Transakcijski račun broj: 306-000-32712158-45

Tel. +387 33 72 52 00, +387 33 72 52 07, Fax +387 33 61 86 14

e- mail: info@kzzosa.ba kabinet@kzzosa.ba





dijelu organa koji je nadležan za nadzor nad zakonitošću rada Zavoda u skladu sa Zakonom o zdravstvenom osiguranju, te način dostavljanja izvještaja o obavljenom nadzoru Osnivaču, izvršeno je utvrđivanje načina ostvarivanja javnosti rada Zavoda, te propisivanje općih pravnih akata koje Zavod donosi, kao i usaglašavanje uslova za imenovanje direktora Zavoda u skladu sa odredbama Zakona o visokom obrazovanju („Sl.novine KS broj 33/2017, 26/2019-autentično tumačenje, 35/2020, 40/2020 i 39/2021).

Član 105. Zakona o zdravstvenom osiguranju definiše da: Kantonalnim zavodom osiguranja odnosno Federalnim zavodom osiguranja i reosiguranja rukovodi direktor. Direktora kantonalnog zavoda osiguranja imenuje i razrješava Vlada kantona na prijedlog kantonalnog ministra. Ministarstvo zdravlja Kantona Sarajevo je 17.03.2022.godine raspisalo Javni konkurs za imenovanje Direktora ZZO KS sa uslovima usaglašenim sa Statutom Zavoda koji je usvoje od strane Skupštine Kantona Sarajevo. Odabrani kandidat koji je imenovan na mjesto Direktora ZZO KS u aprilu 2022.godine je za navedeni uslov dostavio svu potrebnu dokumentaciju koja je potpunosti u skladu sa propisanim uslovima Javnog konkursa. Biografija trenutnog direktora je javno dostupna, a na poziciju direktora stupio je nakon obnašanja pozicije Glavnog internog revizora Zavoda, pozicije koja je po složenosti i hijerarhiji pripada jednoj od najviših pozicija menadžmenta u Zavodu zdravstvenog osiguranja Kantona Sarajevo. Tema diplomskog, magistarskog ili doktorskog studija niti u jednom pravilniku o sistematizaciji radnih mjesta u bilo kojoj instituciji ili ustanovi se ne navodi kao kriterij vrednovanja uslova za obnašanje poslova radnog mjesta ili pozicije.

U Pravilniku o unutrašnjoj organizaciji Stručne službe Zavoda zdravstvenog osiguranja Kantona Sarajevo definisano je slijedeće: DIREKTOR

Posebni uslovi: u skladu sa zakonom i opštim aktima Zavoda.

Radno iskustvo: u skladu sa zakonom i opštim aktima Zavoda

Broj izvršilaca: 1

Opis poslova:

- rukovodi i organizuje rad i poslovanje Zavoda,
- stara se, zajedno sa stručnim službama, o blagovremenom obezbjeđivanju finansijskih sredstava potrebnih za sprovođenje obaveznog zdravstvenog osiguranja, te njihovoj namjenskoj upotrebi,
- uspostavlja strateške prioritete i daje naloge za izvršavanje finansijskog plana, te programa rada Zavoda,
- stara se, samostalno ili u saradnji sa internim i vanjskim saradnicima, o pripremi svih akata i materijala čija je izrada u djelokrugu Zavoda, a koje razmatra i o njima odlučuje zakonodavno tijelo Kantona, Upravni odbor Zavoda i druga tijela obrazovana na osnovu zakona, podzakonskih akata, Statuta i drugih opštih akata Zavoda,
- riješava individualno ili putem nadležne komisije o pravima iz obaveznog zdravstvenog osiguranja u prvom stepenu,
- rukovodi radom i nadređen je u bilo kojem momentu svim radnicima Zavoda,
- donosi odluku o rotaciji ili trajnoj relokaciji svih radnika Zavoda, te odlučuje o svim pitanjima radno - pravnog statusa istih,
- donosi samostalno ili putem stručnih službi, uputstva, smjernice i druge opšte i pojedinačne akte u cilju zakonitog, pravilnog i blagovremenog obavljanja poslova,
- obrazuje i formira radne grupe, stalne i posebne komisije te druga tijela Zavoda po potrebi,
- stara se zajedno sa saradnicima o pripremi i organizovanju sjednica Upravnog odbora i drugih tijela, te koordinira implementaciju odluka Upravnog odbora putem nadležnih odjela,
- stara se o ostvarivanju javnosti rada Zavoda, te istog predstavlja i zastupa u svim segmentima,
- donosi odluke o prijemu i raspoređivanju radnika na poslove i radne zadatke i druge odluke u skladu sa zakonom i opštim aktima Zavoda,
- vrši i sve druge poslove koji su zakonom, podzakonskim propisima, Statutom i drugim opštim i pojedinačnim aktima stavljeni u nadležnost direktora,



- direktor može u skladu sa ukazanim organizacijskim potrebama i načelima efikasnosti prenositi stalno ili povremeno ovlaštenja za određene poslove na druge radnike koji neposredno odgovaraju za izvršenje i zakonitost istih.

Pravilnik o unutrašnjoj organizaciji Stručne službe Zavoda je u potpunosti usklađen sa Statutom Zavoda zdravstvenog osiguranja Kantona Sarajevo koji predstavlja opći pravni akt i osnovu za donošenje drugih podzakonskih akata a koji je također usaglašen sa iznad navedenom važećom zakonskom regulativom.

S poštovanjem,

Po ovlaštenju Direktora
Rukovodilac službe pravnih poslova

Dženan Tikveša, dipl. iur.

Dostaviti:

- ① Naslovu;
- Direktor;
- Službi pravnih poslova;
- Odjeljenje za javnost rada, pozivni centar i EZK;
- a/a.

